

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst («Službene novine Zeničko-dobojskog kantona», broj: 7/10) i člana 4. stav 1. Zakona o koncesijama (Prečišćeni tekst) («Službene novine Zeničko-dobojskog kantona», broj: 5/03), na prijedlog Ministarstva za privredu, Vlada Zeničko-dobojskog kantona, na 76. sjednici, održanoj 03.11.2016. godine, d o n o s i

ODLUKU

o pristupanju provođenja procedure dodjele koncesije za istraživanje i eksploataciju mineralne sirovine - dijabaza na lokalitetu “Željezno Polje”, K.O. Prapatnica, općina Žepče

Član 1.

(Predmet)

Pristupa se provođenju procedure dodjele koncesije za istraživanje i eksploataciju mineralne sirovine – dijabaza, na ležištu “Željezno Polje”, K.O. Prapatnica, općina Žepče.

Član 2.

(Lokacija)

(1) Istražno-eksploatacioni prostor ležišta “Željezno Polje”, K.O. Prapatnica, općina Žepče, ograničen je graničnim linijama sa prijelomnim tačkama, kako slijedi:

Tačka A	Y= 6 449 133,57	X= 4 919 418,24
Tačka B	Y= 6 449 133,57	X= 4 919 500,00
Tačka C	Y= 6 449 800,00	X= 4 919 500,00
Tačka D	Y= 6 449 800,00	X= 4 919 393,41
Tačka E	Y= 6 449 701,72	X= 4 919 416,74
Tačka F	Y= 6 449 665,73	X= 4 919 387,15
Tačka G	Y= 6 449 573,48	X= 4 919 341,89
Tačka H	Y= 6 449 526,68	X= 4 919 335,32
Tačka I	Y= 6 449 503,40	X= 4 919 364,41
Tačka J	Y= 6 449 449,24	X= 4 919 394,78
Tačka K	Y= 6 449 391,25	X= 4 919 385,35
Tačka L	Y= 6 449 319,91	X= 4 919 410,24
Tačka M	Y= 6 449 290,65	X= 4 919 444,79
Tačka N	Y= 6 449 202,03	X= 4 919 408,48
Tačka A	Y= 6 449 133,57	X= 4 919 418,24

(2) Površina istražno-eksploatacionog prostora na kojoj će se realizirati koncesioni projekat iz člana 1. ove odluke je **58.546 m²**, a lociran je na k.č.51/1, k.č.51/106 i k.č.586 K.O. Prapatnica, općina Žepče i ima neposredni kontakt sa istražno – eksploatacionim poljem za koje je već dodijeljena koncesija koncesionaru “Dim Kamenolom” d.o.o. Žepče, površine 12.600 m², te je ukupna površina lokacije omeđene prijelomnim tačkama iz prethodnog stava 71.146 m².

Član 3.

(Elementi Ugovora)

Posebni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine dijabaza su:

- a) Vrijeme koncesije za istraživanje i eksploataciju je **12 godina**, od čega do **2 godine** za istraživanje, a zavisit će od utvrđenih rezervi mineralne sirovine;
- b) Za eksploatisane količine mineralne sirovine dijabaza, koncesionar je dužan plaćati kontinuiranu koncesionu naknadu u iznosu od minimalno **0,82 KM/ m³** čvrste mase dijabaza (slovima: nulazarezosamdesetdvije konvertibilnemarke po metru kubnom čvrste mase);

- c) Minimalna količina eksploatacije mineralne sirovine za koju je koncesionar obavezan plaćati kontinuiranu koncesionu naknadu je **30.000,00 m³/godini** čvrste mase dijabaza (slovima: tridesethiljada metara kubnih čvrste mase po godini);
- d) Minimalna jednokratna (fiksna) koncesiona naknada po hektaru istražno-eksploatacionog prostora ležišta "Željezno Polje" K.O. Papratnica, općina Žepče je **10.000,00 KM/ha** (slovima: desetihiljadakonvertibilnih maraka po hektaru).

Član 4.

(Opći eliminatorni uslovi)

Opći eliminatorni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine dijabaza na predmetnom lokalitetu su:

- a) Dokaz o uspješnom poslovanju ponuđača u posljednje tri poslovne godine;
- b) Dokaz o uredno izmirenim javnim prihodima (porezima, doprinosima, koncesionim naknadama);
- c) Garancija banke na iznos vrijednosti minimalne jednogodišnje eksploatacije mineralne sirovine dijabaza prema ponuđenoj cijeni koncesine naknade, sa rokom važenja do 90 dana;
- d) Studija o ekonomskoj opravdanosti dodjele koncesije na istraživanje i eksploataciju mineralne sirovine dijabaza na lokalitetima "Željezno Polje" K.O. Papratnica, općina Žepče, urađena prema Načelnom sadržaju koji je utvrdilo Ministarstvo;
- e) Ovjerena izjava da se pod krivičnom i materijalnom odgovornošću obavezuje omogućiti realizaciju projekata od općeg interesa, za koje Općinsko vijeće Žepče iskaže interes;
- f) Ovjerena izjava Koncesionara, čije istražno-eksploatacijsko polje graniči sa istražno-eksploatacionim poljem iz predmeta ovog Javnog poziva ("Dim Kamenolom" d.o.o Žepče), o spremnosti regulisanja međusobnih obaveza i odgovornosti u provođenju mjera zaštite na radu i zaštite zdravlja zaposlenika, data u skladu sa članom 17. stav (4), Zakona o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

Član 5.

(Ostali uslovi)

Ostali uslovi za izbor najpovoljnije ponude za dodjelu koncesije za eksploataciju i istraživanje mineralne sirovine dijabaza su:

- (1) Koncesija će se dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, poslovni rezultat, kao i na osnovu općih kriterija dodjele koncesije na istraživanje i eksploataciju mineralne sirovine dijabaza na ležištima "Željezno Polje" K.O. Papratnica, općina Žepče.
- (2) Procentualno učešće kod vrednovanja ponuda je:
 - a) kontinuirana naknada maksimalno 60 bodova;
 - b) jednokratna koncesiona naknada maksimalno 20 bodova;
 - c) minimalna godišnja realizacija maksimalno 20 bodova.
- (3) Najpovoljniji ponuđač - koncesionar dužan je prije potpisivanja koncesionog ugovora Ministarstvu za privredu dostaviti:
 - snimak „nultog stanja“ istražno-eksploatacionog polja,
 - geodetski elaborat sa identifikacijom parcela,
 - uplatnicu za jednokratnu naknadu,
 - ovjerenu mjenicu sa mjeničnom izjavom na iznos od **50.000,00 KM**.

(5) Najpovoljniji ponuđač - koncesionar dužan je odmah nakon potpisa Koncesionog ugovora obezbjediti:

- upis Koncesionog ugovora u Zemljišne knjige i dostaviti ZK uložak Ministarstvu za privredu,

a u daljnjim upravnim postupcima i:

- urbanističku/građevinsku saglasnost za realizaciju projekta zasnovanog na korištenju predmeta koncesije, izdatu od ovlaštenog organa,
- vodoprivrednu saglasnost, izdatu od ovlaštenog organa,
- šumsku saglasnost, izdatu od ovlaštenog organa,
- okolinsku dozvolu,
- saglasnost Zavoda za zaštita spomenika.

Član 6.

(Istraživanje i eksploatacija)

Istražne i eksploatacijske radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

Član 7.

(Provođenje postupka izbora)

Zadužuje se Ministarstvo za privredu da, putem Komisije koju imenuje ministar Ministarstva za privredu, provede postupak prikupljanja ponuda, izvrši odabir i predloži Ministarstvu za privredu najpovoljnijeg ponuđača.

Član 8.

(Stupanje na snagu)

Odluka stupa na snagu danom donošenja i bit će objavljena u «Službenim novinama Zeničko-dobojskog kantona».

Broj: 02-_____/16.

Datum, 03.11.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju
i zaštitu okoline,

1x Ministarstvo za poljoprivredu, šumarstvo i vodoprivredu,

1x «Službene novine Zeničko-dobojskog kantona»,

1x a/a.